

OTAEGI-KO ON KLAUDIO JAUNAREN ILBERRIAN.

Sinisten det Doneen alkartasunean.

Gipuzkoa-ren sortaldetika
Etorri zaigu ugari
Euskar-ur-leunik egun artean
Garbi eta dizdizari.

Itur-begia agortu da orain
Jainkoak ala nairika;
Badaki zer dan gureztat on ta
Bere gogoa bedeinka.

Euskal-erria negarrez dago,
Negarrez, bañon gogotik;
Baita ni ere, nere echeko
Gelaren choko chokotik.

Bañan negarrez ¿zergatik gaude,
Zeri egiten diogu
Negar, zeruan daudenakgatik
Iñork egiten ezpadu?

Ez beragatik: berdiñ zeruan
Daudenak betiko daude,
¿Euskeragatik? ori baleki
Berak ere egiñen luke.

Chit aita ona, maisu jakiña
Euskera-zale uts utsa,
Nola gelditu geran dakizu
Ta iguzu zere laguntza.

Irichi zazu Jaunagandikan,
Euskera au zabaltzeko:
Ta esaiozu: »Gure Amik gabe
Ez gerala ongi biziko».¹

MIGEL ANTONIO IÑARRA-K.

(1) V. EUSKAL-ERRIA, tomo IX, pág. 269.